

**Ùchwólënk nr 6/21**  
**Senatu Gduńszégò Ùniwersytetu**  
**z dnia 25 gromicznika 2021 rokù**

**w sprawie dzejaniów Gduńszégò Ùniwersytetu w òbrëmim òchronë i rozwijaniò**  
**kaszëbsczégò jãzëka i kùlturë**

Zjiscywającë ùdbë ùstawù z dnia 6 stëcznika 2005 r. ò nôrodnëch i etnicznych mniészëznach i ò regionalnym jãzëkù, jak téz statutowé òbrzëszczy, Gduńszczy Ùniwersytet òswiòdzciwò, że wòżnym dzëlã nôùkòwi i didaktyczny misji Ùczbòwni je twòrzenié i szërzwienié interdyscyplinary wiédzë ò Kaszëbach, z danim òsoblëwégò bòczeniò na dzejania, co rozwijają i chrónią kaszëbską kùlturã i jãzëk.

Akademiczé òkrãżé Gduńszégò Ùniwersytetu bådze wcyg wspiérało kaszëbską spòlëznã w dzejaniach, jaczé zgròwają do ùchòwaniò kaszëbsczégò jãzëka jakno nôwòzniészégò dzëlu spòdkòwiznë i juwernotë Kaszëbów, i téz w sztòlënim kadrów, chtërne bådã czerowac rozwijã kaszëbsczégò jãzëka i kùlturë tak w edukacji, jak w pùblicznym zòkrãżim, to je w mediach, w redakcjach i wëdòwiznach, w instytucjach kùlturë a téz w państwòwi administracji i bùtenrzãdowëch òrganizacjach.

Żebë zjiscëc ten dlugòczasowi òbrzëszk, Gduńszczy Ùniwersytet bådze wspiéròł rozwij nôùkòwëch badérowaniów nad Kaszëbama w rozmajitëch disciplinach, z danim òsoblëwégò bòczeniò na jãzëk i kùlturã ti spòlëznë, pòszërzòł bëtnosc kaszëbsczy tematiczi w sztòlënim na rozmajitëch czerënkach studiów, jaczé zajmają sã regionalną, etniczną i mniészëznową tematikã, rozwijòł fòrmë sztòlëniò zrzeszoné z kaszëbską tematikã (pòdiplomowé studia, kùrsë, szkòlenia, òglowòùczbòwné wëklãdë itd.), sczerowóné do sztudérów, doktorantów, ale téz do jinëch mieszkańców Pòmòrzò, òsoblëwie do robòtników instytucjów kùlturë, animatorów, gazétników, samòrzãdarzów itd.

Brzadnò pòlitika zrównowòżonégò kùlturowégò rozwoju regionu wespòłtwòrzonò przez akademickã spòlëznã Ùczbòwni brëkùje téz wespòłrobòtë z instytucjama kùlturë, pòuczënowim òkrãżim, samòrzãdama i bùtenrzãdowima òrganizacjama w cëlu pòpularizacji wiédzë ò Kaszëbach.

Przëdnik Senatu  
Rektór Gduńszégò Ùniwersytetu  
/-/  
prof. dr hab. Piotr Stepnowszi